

Broj:538-SS/19  
Sarajevo, 11.10.2019.godine

## INFORMACIJA ČLANSTVU U VEZI SA RJEŠENJEM FEDERALNOG MINISTARSTVA FINANSIJA

Poštovane članice i članovi AMUS-a,

dana 10.10.2019. godine smo zaprimili Rješenje Federalnog Ministarstva finansija broj 03-15-922/16 A.D. od 10.09.2019. godine, kojim je odbijena žalba AMUS-a protiv Rješenja Porezne uprave FBiH od 03.06.2016. godine.

S tim Rješenjem iz 2016. godine Porezna uprava FBiH u postupku inspekcijskog nadzora je utvrdila dodatne porezne obaveze i naložila uplatu iznosa od 383.353,86 KM.

AMUS je u žalbi isticao da je pogrešno utvrđena osnovica za obračun poreza na dohodak i da je pogrešno utvrđeno vrijeme nastanka porezne obaveze te korištenja nepotpunog stava Federalnog Ministarstva finansija FBiH.

Prihod AMUS-a ni u kojem slučaju nije naknada isplaćena autorima koja se oporezuje sa 10% poreza na dohodak. Sredstva koja korisnici autorskih djela uplate u skladu sa zaključenim ugovorima za AMUS predstavljaju naplatu, a ni u kojem slučaju isplatu na koju se porezni inspektori pozivaju.

Smatramo da je utvrđivanje osnovice za obračun porezne obaveze izvršeno pogrešno i da nije utemeljeno na osnovu pravilnog tumačenja odredbi zakona.

***Porezni inspektori pojednostavljeno rečeno žele da na svaku uplatu koja legne na žiro račun AMUS-a oporezuju sa 10% poreza na dohodak. AMUS se zalaže da samo iznos naknade tantijema koji AMUS isplati autorima, a koji je u skladu sa Zakonom o porezu na dohodak bude oporezovan sa 10% poreza.***

AMUS i dalje tvrdi da su i prvostepeni i drugostepeni organ zauzeli pogrešan stav u vezi utvrđivanja dodatne porezne obaveze te je iz navedenog razloga AMUS već

AMUS - "Asocijacija kompozitora-muzičkih stvaralaca", je nosilac dozvole za kolektivno ostvarivanje prava autora muzičkih djela koju joj je dodijelio Institut za intelektualno vlasništvo BiH rješenjem broj: IP-03-47-5-12-06059/12VT

pristupio prikupljanju građe za upravni spor koji se pokreće u roku od 30 dana od dana prijema Rješenja Ministarstva finansija FBiH.

Uzimajući u obzir implikacije kontrole poslovanja AMUS-a izvršene od strane Porezne uprave FBiH, naročito utjecaj dodatno utvrđenih poreznih obaveza na finansijski položaj Udruženja, te značaj pobijanja istih kod Ministarstva finansija u drugom stepenu, eksterni revizori su u svojim izvještajima za 2017. godinu i 2018. godinu posebno isticali navedeno pitanje u mišljenju, kao i u revizorskom nalazu (poglavlje 9., Kontrola porezne uprave). Iz naprijed navedenog proizilazi zaključak da je po navedenom pitanju sve transparentno prikazano.

U materijalima za predstojeću sjednicu Skupštine dostavit ćemo cjelokupnu dokumentaciju po ovom pitanju kako bi članovi AMUS-a bili što detaljnije upoznati.

Napominjemo da Porezna uprava FBiH nije AMUS-u izdala nalog za plaćanje bilo kakve porezne obaveze, te da nije pokrenuta procedura prinudne naplate od strane Porezne uprave FBiH, odnosno, da ova pravna stvar još uvijek nije riješena niti u korist, niti na štetu AMUS-a.

Stručna služba

Asocijacija kompozitora muzičkih-stvaralaca